

ՀՈԳԵՇՆՈՐՀ Տ. ԱՐԳԱՐ ԱՐԵՂԱ ՀՈՎԱԿԻՄՅԱՆԻ ԱՆԴՐԱՆԻԿ ԲԱՐՈՋԸ ԵՐԵՎԱՆԻ ԶՈՐԱՎՈՐ Ս. ԱՍՏՎԱԾԱԾԻՆ ԵԿԵՂԵՑՈՒՄ

«Քրիստոս Աստուած մեր, շնորհեա մեզ ընդ
Պետրոսի և ընդ որդոցն Զեքեղեա արժանաւորիլ
քում աստուածային տեսիւանդ»:

Սիրելի հավատացյալ քույրեր և եղբայրներ:

Մինչ մեր Տիրոջ Հրաշափառ Պայծառակերպության շուրջ մեզ հետ խորհրդածելը, ես նախ զոհություն և փառք եմ մատուցում Բարձրալն Աստուծո, որ տարիներ առաջ առաջնորդեց ինձ դեպի Միածնաէջ Սուրբ Տաճարը, ուր անցավ իմ ուսման ընթացքը և քառասուն օրեր առաջ արժանացրեց ինձ քահանայական ձեռնադրության: Նաև այս Սուրբ Խորանից հիշատակն եմ ուզում ոգեկոչել երջանկահիշատակ Վազգեն Ա Կաթողիկոսի, որի գահակալության օրոք ընդունվեցի Հոգևոր մեմարան, և որն եղավ մեր ուսուցիչն ու դաստիարակը, որի անձը իմ առջև ունեցա իբրև տիպար գիտնական և շնորհաշատ հոգևորականի: Իմ երախտագիտության խոսքս եմ ուղղում նաև Ամենայն Հայոց Հայրապետին մեր՝ Տ. Տ. Գաբեգին Ա Կաթողիկոսին, որի քարձր կարգադրությամբ և նախագահությամբ տեղի ունեցավ ձեռնադրության արարողությունը: Նաև իմ հոգևոր ծնողիս՝ Տ. Շահե արքեպիսկոպոս Աճեմյանին, որ մատուցեց Սրբազան Պատարագը և որի ընթացքին իր աղոթքների և ձեռնադրության շնորհիվ ընդունեցի՞նք կուսակրոն քահանայի կոչում:

Իմ հարգանքի խոսքն եմ ուղղում բոլոր նրանց, ովքեր Լուսավորչյան Սուրբ յուզը ավելացրին հոգուս կանթեղի մեջ՝ այն ավելի վառ և լուսաբեր դարձնելու նպատակով: Նաև իմ խորին շնորհակալությունն եմ հայտնում ճշմարտապես Զորավոր Սուրբ Աստվածածին Եկեղեցու հոգևոր դասին, որ սիրով ընդառաջեցին փափագիս անդրանիկ և Ուխտի պատարագս մատուցելու այս Սուրբ կամարների տակ մեր Տիրոջ՝ Հիսուս Քրիստոսի Պայծառակերպության տոնին: Ժողովուրդն այն կոչում է Վարդավառ: Ավետարանական պատուով հետևյալն է: Հիսուս իր հետ վերցրեց Պետրոսին, Հակոբոսին և նրա եղբորը՝ Հովհաննեսին, և նրանց առանձին հանեց մի քարձր լեռ և նրանց առաջ կերպարանափոխվեց. և Փրկչի դեմքը փայլեց, ինչպես արեգակը, և Տիրոջ զգեստները դարձան սպիտակ, ինչպես լույսը...

Այս նվիրական պահին իմ աղերսն եմ ուղղում առ Աստված, Սուրբ Ներսես Շնորհալու քառերով, որ Նա շնորհի մեզ Ս. Պետրոսի և Զեքեղեաի որդիներին հետ, արժանավորվել տեսնելու Աստվածային տեսիլքը:

Այսօր Թաբոր Լեռան վրա Աստվածությունը պայծառապես իրեն հայտնեց ողջ մարդկությանը: Ես այն կոչում եմ Պայծառակերպված Հայտնություն: Աստվածության հայտնությունը դեպք է, իրադարձություն, որ կատարվում է մերքին

աշխարհում, աշխարհում հոգևոր, լույս է, որ թխում է անհուն ակունքներից: Այն կատարվում է հոգով և հոգևոր աշխարհից ժայթքում, ճեղքում է բոլոր սահմանները և արտահայտվում երևելի աշխարհում, մեզ ծանոթ կյանքում, հայտնվում մարդուն իբրև հոգևոր էակի:

«Անկան ի վերայ երեսաց իւրանց, եւ երկեան յոյժ», ասում է ավետարանիչը: Ո՛վ կարող էր դիմաճալ այդ Անիմաճալի լույսին: Ո՛ր հողեղեմ արարածը չէր ընկնի գետնի վրա: Որի՞ աչքը կարող կլիներ տեսնելով տեսնել և չգործիւթել տեսածից. քանզի «լուսաւորեցան երեսք մորա իբրեւ զարեգակն. եւ իւրանք մորա եղեմ սպիտակք իբրեւ զլոյս»:

Աստված ծածուկ է պահում իրեն բնական, տեսանելի «Սեկուլյար» աշխարհում: Աստվածային լույսի պայծառությունը կայրեր կամ կկտրացնէր բնական որևէ հայացք, եթե հեղվեր մրա վրա իր ամբողջ փառքով: Հիմկտակարանյան մարդը չէր կարող տեսնել Աստծուն: Լույսը ճառագայթվում էր մրա վրա աստիճանաբար, և մվազում ընկալողի անպատրաստության և անկարողության հետևանքով: Որովհետև ոչ միայն լույսի պայծառության պատճառով մարդ անկարող է դառնում հայել դեպի այն, այլ նաև աչքի տկար կամ հիվանդ լինելը կարող է պատճառ հանդիսանալ հայացքը եւ դարձնելու լույսից:

Սիրելիներ, Աստված իրեն հայտնում է միայն կրոնական խիղճ ունեցողին, հոգևոր էակին: Հոգին հայտնվում է հոգուն և Միտքը՝ մտքին: Պայծառակերպության երևույթը նախապայման է մերքին լուսավորման, պարզության, պայծառության: Անթափանց նյութին՝ «մատերիա» քարին չի կարող հայտնվել Աստվածությունը: Պայծառակերպության պահը երկկողմանի՝ Աստվածամարդկային գոյավիճակ է, «պրոցես»՝ հանդիպում մերքնապես հարազատ երկու էությանց: Պետք է որ լինի քարեպատեմ մթնոլորտ հաղորդակից լինելու հայտնությանը, մթնոլորտ, որին խորթ չէ Աստվածայինը: Աստվածությունը չի կարող հայտնվել մեկին, որ չունի իր մեջ ձգտում ընդառաջելու Աստվածայինին: Պայծառակերպությունը միայն ավետարանական պատմական դեպք չէ, որ տեղի ունեցավ Թաբոր Լեռան վրա, և որի մասին գրեցին ավետարանիչները: Այն մշտապես տեղի է ունենում մեր կյանքում, տեղի է ունենում ինձ, քեզ և անհատապես ամենքի հետ, վերապրվում անձնական հոգևոր փորձառությամբ: Եթե ոչ, ի՞նչ իմաստ ունի ինձ համար Պայծառակերպության պահը, եթե այն տեղի ունեցավ, կամ այն վերապրեցին միայն Ս. Պետրոս, Հակովքոս և Հովհաննես Առաքյալները: Հայտնվում է ինձ համար միայն այն, ինչ հայտնվում է իմ մեջ: Ունի իմաստ ինձ համար միայն այն դեպքը, եղելությունը, որ կատարվում է ինձ հետ: Հոգևոր հայտնությունը այն իրավիճակն է, որ կատարվում է ոչ միայն ինձ համար, այլ նաև ինձ հետ, այն մերքին հոգևոր վերափոխում է իմ մեջ: Եթե այդ մերքին վերափոխումը ինձ հետ տեղի չունեցավ, ապա ինձ համար ոչ մի իմաստ չունեն այն դեպքերը, որ մերկայացվում են Ս. Գրքի մեջ իբրև Աստվածության հայտնություն: Ավետարանը պետք է մեկնաբանվի անձնական հոգևոր փորձառության լույսի մերքո: Սրանից դուրս Ավետարանական պատմությունը ոչ ավելի է, քան այլ պատմական դեպք:

Սիրելի հավատացյալ հայորդիներ.

Պայծառակերպված Քրիստոսի հետ հանդիպումը պետք է որ գոյափոխի մեր գիտակցությունը, վերափոխի քանակաճանության կառուցվածքը՝ «ստրուկտուրան», գիտակցության մեջ ծնի մոր օրգաններ՝ ուղղված դեպի այլ աշխարհ: Աստվածության հայտնությունը քանակաճանության զարգացման պրոցես չէ, այլ քանակաճանության հեղափոխություն:

«Եւ լուսաւորեցան երեսք նորա իբրեւ զարեգակն»: Հոգևոր հրահեղուկ զանգվածը, որ Առաքյալը նմանեցնում է արեգակնային լույսի, պետք է ձուլի մեր քանակաճանությունը, վերացնի մեր և հոգևոր աշխարհի միջև գոյություն ունեցող սահմանը, ցնցի մեր էությունը:

Եվ ես այս նվիրական պահին, մեր Տիրոջ՝ Հիսուս Քրիստոսի Պայծառակերպված Հայտնությունը մեր մեջ վերապրեցնելով իմ աղերսն եմ ուղղելու առ Աստված, որ նա շնորհի մեզ Ս. Պետրոսի և Ջեքեդեսի որդիների հետ արժանի լինել տեսնելու Պայծառակերպված Հիսուսին:

Շնորհք, սեր և Աստվածային սրբարար օրհնությունը եղիցին ընդ ձեզ հավիտյան: ԱՄԵՆ.

